

刑部比照加減成案

刑部比照加減成案卷二目錄

杭州許璉

同訂

安陸熊莪

吏律職制

官員襲廕

濫設官吏

貢舉非其人

舉用有過官吏

交結近侍官員

吏律公式

誹謗律令

制書有違

棄毀制書印信

戶律戶役

人戶以籍爲定

收留迷失子女

賦役不均

刑部比照加減成案卷二

吏律職制

官員襲廕

湖廣司 道光二年

南撫咨外結徒犯內趙子厚與陣亡外委
趙奇同姓不宗因聞趙奇有補給恩騎尉
世職無人襲廕輒爲姪趙名教詐冒承襲

卽與自行冒襲無異今甫經具稟尙未到
官承襲應酌減問擬將趙子厚比照世職
用財買職已經到官襲過者照乞養子冒
襲例發邊遠充軍例上量減一等滿徒

濫設官吏

浙江司

嘉慶二十二年

浙撫咨沈玉堂、捏名朦充撫轅代書、又因貪得筆資、假捏詭名、兼充府代書、尙無把持、索詐賄減、及包攬教唆情事、應比照坐糧廳役、以一身而充兩三役、例杖八十、徒二年。

貢舉非其人

陝西司

嘉慶十八年

順尹奏迭查出土子張象森、代倩情弊。案內號軍李雲祥、當張象森囑令傳遞文字。卽應立時舉首。乃藉此挾制多索銀兩。設非被巡員拏獲。卽作成弊端。惟事屬未成。賊未入手。將李雲祥、照夫匠軍役人等、

受財傳遞擬軍例上量減一等滿徒

河南司 嘉慶二十一年

順天鄉試監臨奏貢生唐金門入場爲伊
徒龔德代做詩稿訊因師徒關切並非受
賄代倩與積慣鎗手不同唐金門應照應
試舉監生員用財雇倩傳遞軍罪例上量
減一等滿徒

湖廣司

嘉慶二十一年

北撫谷童生黎政坤、倩令逸犯劉道生、代
作文字、尙未完篇、卽被查獲事、尙未成、將
黎政坤、照越舍與人換寫文字、軍罪例上
量減一等、滿徒。

江蘇司 道光二年

本部奏陳玉銘、係司經局洗馬、赴考試差、

因病後荒工將平日所看之經書詩本裝入匣中冀圖勦襲惟陳玉銘以開坊翰林恭應

廷試輒敢懷挾經書詩本比之科場夾帶者情罪較重將陳玉銘依應試官吏人等懷挾文字當場搜出枷號一個月杖一百例上加一等杖六十徒一年

安徽司

嘉慶二十二年

安撫奏吳邦蘇因子吳寶琪赴試未邀錄
取卽于稠人中喊嚷求補許進等亦隨同
喊求攪擾推擁致將牌示擠毀吳邦蘇比
依下第諸生不安義命混行攪鬧例發附
近充軍許進等照爲從減一等滿徒

貴州司
嘉慶十九年

貴撫咨考試童生王萬鍾。因禮書向索卷銀。壓擱不給。糾衆于考棚門首爭吵毆打。比照下第諸生不安。義命逞兇。滋鬧發附。近充軍。

湖廣司

嘉慶二十一年

湖督奏李定遠。因縣試題目與家存舊文符合。懇令縣役代取入場。與用財預倩鎔。

手作文傳遞者有間。將李定連于用財雇倩夾帶傳遞軍罪例上量減一等滿徒許登津于李定連傳遞訊不知情惟訛奪文稿抄寫應比照生儒懷挾文字枷號一個月杖一百。

浙江司

嘉慶二十一年

浙撫題鄭球因應童試臨場與認識之李

德元連號。央爲講解。許給洋錢。倩爲更改。與越舍換寫文字。換卷者有間。將鄭球、李德元、均、比、照、越舍與人換寫文字。均于軍罪上量減一等。滿徒。

江西司

嘉慶二十四年

江西撫客曾文烜入場患病。投繳白卷。迨出場之時。因與樂培元甥舅關切。越赴號。

舍探問文字優劣。樂培元將業已謄完之
試卷。懇伊泰改。曾文府應允。尙未動筆。卽
被拏獲。核與越舍與人換寫文字者不同。
將曾文府、樂培元均比照越舍與人換寫
文字。軍罪上量減一等。滿徒。

江西司 嘉慶二十四年

江西撫咨彭爲政。於進場後。央李大觀換

貢舉非其人

卷甫在商議卽被查獲事屬未成將彭爲
政李太觀均依生儒臨時換卷用財雇倩
發近邊充軍例上量減一等滿徒

舉用有過官吏

江蘇司

嘉慶二十二年

江督咨張韶鈞京控孫源湘等包攬各情。訊係懷疑所致。並非平空妄控。惟其報捐主簿之後。伊父曾充長隨。究屬有玷名器。張韶鈞應比照隱匿公私過名以圖選用。軍罪例上量減一等。滿徒。

舉用有過官吏

直隸司

嘉慶二十五年

直督奏李二黑先經犯竊擬徒留養柳責
有案復違例改名認充捕役若僅比照違
制及卒役復充之例問擬俱止滿杖尙屬
輕縱應照違

制律杖一百量加一等杖六十徒一年

江蘇司

嘉慶二十五年

蘇撫咨濮尙忠曾充地總。因被周德耀等以鑽充把持稟縣示革。嗣又復充。現因奉差追繳錢文。輒以找尋不見。糾人搜尋毀壞器物。并因婦女拒毆。捆縛其手。實屬藉端滋事。應比照書辦退役之後。倘有更名重役者。杖一百。再加枷號兩個月。

山西司 道光二年

晉撫咨車國士前捐從九品職銜業經犯罪擬杖斥革乃該犯希圖頂帶榮身輒敢諱罪冒籍復捐職銜實屬濫邀名器例無治罪明文將車國士照斥革監生易名復捐者照違制律杖一百

湖廣司

嘉慶二十年

南撫谷武舉羅協海因調戲婦女詳革後
私自進京隱匿犯事斥革情由托同鄉官
出結會試揀選應比照文職舉貢爲事問
革例不入選隱匿公私過名以圖選用未
除授者發附近充軍。

浙江司

嘉慶二十年

浙撫奏方景太先充庫書因縣民馮顯選

卷二

吏律職制

長月司書言史

十

向林廷子賒買葯料不遂。誣告局賭係方景太承行。繕票時將馮顯選列爲賭犯。馮顯選生氣不依。被方景太之妻毆傷。方景太回家將馮顯選扭送本縣。將方景太枷責革役後復幫辦庫務。雖非改名復充跡涉盤踞。應比照衙役犯罪復入原衙門應役例滿徒。

山東司

嘉慶二十一年

東撫咨馬藏珍更名馬蘊齋在京隱匿過
名報捐

封典與易名復捐監生無異應比依斥革
監生易名復捐者照違

例律杖一百

河南司 嘉慶二十年

提督咨正藍旗包衣筆帖式緣事革職擬
徒奏准贖罪之伍靈阿並不呈明前案輒
以俊秀報捐監生比照易名復捐者照違
制律杖一百鞭責發落

交結近侍官員

湖廣司 嘉慶二十年

臺灣鎮奏內監林表之戚劉碧玉假藉內
監名色捏造部照圖充噶瑪蘭業戶並于
劉碧玉家起出

大內膳單儀注單及福字橫披單條象牙
圖章等物等情一招此案林表林顯以逆

犯子嗣。閹割充當內監。林表於伊戚劉碧玉。托伊營辦噶瑪蘭業戶一事。雖訊未允爲經手。輒敢容留外省奸徒。在福園門外花洞住宿數日之久。私相餽送。致將

大內膳單戲單。被其攜回臺地。情同泄漏。林顯信係鹽政織造資助銀兩。雖訊無實。

緣別情而囑令伊弟林瑪定出入鹽關衙門。告助鹽費。往來原籍。以致劉碧玉等。覽羨聲勢。來京請托。且該犯等。招伊弟林瑪定來京取妻。希圖生子立後。將伊父林達設牌奉持。林瑪定係逆犯林達之子。林達犯案後。始將該犯繼與堂弟林琴爲嗣。漏網未經緣坐。茲復來京娶妻盧氏。欲爲林

達立後。並將劉碧玉所與噶瑪蘭田簿交
林寅登探聽。設法打點。並將

膳單。戲單。令劉碧玉帶至臺灣。種種狂悖。
林表、林顯、林瑪定、均應比照。與內官互相
交結。洩漏事情。實緣作僇者。皆斬監候。律
俱擬斬監候。林表、應請

旨。卽行正法。以昭炯戒。林顯、林瑪定、均應

趕入本年

朝審情實辦理。其林瑪定應與劉碧玉質訊之處。俟劉碧玉到日。再行質審明確。分別議奏。林寅登以現任二等侍衛。與逆犯子嗣林瑪定往還。並於林瑪定將噶瑪蘭田簿交伊設法辦理。並不卽時送官究辦。轉將田簿攜回。林寅登應于林瑪定斬罪。

上減一等杖一百。流三千里。交順天府定地發配。至劉碧玉在臺林表所給象牙圖章。統俟劉碧玉到案。發訊辦。已革候補郎中吳春貴。代林瑪定。稍帶家信。尙無不合。其與太監林表往來寫信。借馬實屬違制。應照律杖一百。業經革職。應毋庸議。慶琛在

周明園常差有年。因與林顯熟識。曾給紗料一件。未經收受。三等侍衛關敏。前赴揚州時。林顯托帶伊父信物。並未攜交。均無不合。應毋庸議。徐綜觀、王廷棟、訊無代劉碧玉營謀情事。其帶寄書信。尙無不合。應免置議。所有休表、林顯、林瑪定、房屋產業。據查抄入官等因。嘉慶二十年七月十八

日具奏。本日奉

旨。此案林表、林顯、林瑪定均係臺灣逆匪林達之子。例應緣坐。林表、林顯因年未及歲。解京閹割充當內監。本屬免死之犯。理宜安靜守法。乃喚令伊弟林瑪定來京。又擅留伊戚劉畧。正在花洞居住。將大內膳單戲單聽其攜至臺灣。借勢招搖。林瑪定

漏網倖免緣坐林表等輒爲娶妻冀圖生
子。延後林瑪定復將劉碧玉留給噶瑪蘭
田簿托人打點種種不法。林表、林顯、林瑪
定均着照律斬監候。歸入本年朝審情實
辦理。已革侍衛林寅登身係職官與林表
等往還。並將林瑪定所交噶瑪蘭田簿攜
回寓所。不行送官究辦。僅擬杖流。尙覺輕

縱林寅登着改發伊犁俟劉碧玉等解到
實訊再行發遣。已故織造和明之子內務
府員外郎慶琛曾給林顯紗料候補主事
普琳于林瑪定過蘇州時付給銀三十兩。
均屬不合。慶琛着降為主事。普琳着降爲
筆帖式。餘依議。欽此。

吏律公式

講讀律令

山東司

嘉慶二十二年

本部奏已革巡視西城御史蕭鎮聽從賄
囑將崇文門酒稅章程妄思更改混行瀆
奏除蕭鎮依官吏人等挾詐欺公妄生異
議變亂成法律擬斬監候外已革捐職未

入流余銓與陳世維商令鮑士恭賄囑蕭
鎮史改酒稅章程希圖漁利查余銓營求
御史條陳陳世維立票賄求鮑士恭賄練
囑托該三犯同惡相濟厥罪惟均未便僅
照以財行求及說事過錢與受同科無祿
入減等之例擬徒均應于蕭鎮斬罪上量
減一等滿徒

制書有違

安徽司

嘉慶二十三年

南城移送馬甲穆隆阿與宗室那斯渾移
居城外均照違

制律杖一百

浙江司

嘉慶二十三年

南城移送杜張氏看香醫病騙錢針扎蘇

卷二

吏律公式

六

氏身死。訊據失手太重。悞行致傷。並非有心故害。惟以女誼。不思安分。輒起意看香治病。並圖騙錢。若僅依庸醫殺人科斷。律止收贖不足示懲。杜張氏應照違制律杖一百。不准收贖折責發落。

直隸司

嘉慶二十五年

直督奏長垣縣縣丞曹自炳違例薙髮。例

無治罪明文查乾隆十三年間奉天錦州府知府金文淳等因違例薙髮奉

旨擬以斬立決嗣因金文淳等尙非大吏免死派修城工贖罪完結在案今曹自輝身爲職官于

國服大事并不確查典禮輒因誤聞

遺詔到口始不薙髮之語冒昧糊塗違例

雜髮核與金文淳之案情罪相似。未便以
佐雜微員。無心悞犯。稍爲寬縱。將曹自輝
問擬斬決。恭候

聖裁。其景小二係曹自輝部民。于本官令
其雜髮勢難理阻。旣經責懲。應免重科。奏
奉

諭旨。已革縣丞曹自輝。于國服百日內。違

例薙髮情罪重大。但該犯本係佐雜微員。不諳禁令。誤聽。

遺詔到口。始不薙髮之言。冒昧犯法。且于薙髮後。仍照常出署。隨同大眾哭臨。以致被人揭告。其爲陷于不知。並非虛捏。較之乾隆年間知府金文淳免死之案。情尤可憫。曹自輝着免其斬決。發往新疆効力贖。

罪。餘依議。欽此。

山西司 嘉慶二十五年

提督谷送僧人虔誠于

國孝百日期內。擅行薙髮。魏二輒爲代剃。

均照違

制律杖一百。

山西司 嘉慶二十四年

晉撫谷陳旺等私燒硫磺賣與弓平等俱
在五十斤以下將陳旺與弓平等均照違
制律杖一百。

江西司 嘉慶二十二年

江西撫谷劉振搖因慶祝許真人壽誕演
戲並在東山設臺點放烟火集人往觀嗣
因火畢後忽天降大雨往看之人各皆亂

奔。因山坡陡窄。一時擁擠。以致擠倒多人。踣斃十七命。查劉振搖慶祝真人壽誕。並非迎神賽會。卽踣斃人命。亦在放畢烟火之後。惟該犯寅夜設臺點放烟火。致集多人觀看。應比照違

制律杖一百。枷號一個月。余忠謨等聽從買放。應照爲從減一等杖九十。枷號二十

五日。

直隸司 嘉慶二十年

直督咨劉洛瑞興販婦女爲婢文生段永安、
咆孝公堂查段永安當段振剛將姐兒
等領至伊家告知被劉洛瑞等販賣姐家
爲婢緣由該生因姐兒等年俱幼穉不忍
其陷于下賤遂爾收養一經訪問卽赴縣

稟首尙無不合。惟欲將姐兒等作爲義女。因不遂其欲。輒向該縣當堂頂撞。應照違制律杖一百。衣頂業已斥革。應毋庸議。

樂毀制書印信

四川司 嘉慶二十五年

川督咨外結徒犯內武生戴廷彪既已連
名具稟應卽赴縣聽審輒敢傳喚不服扯
毀印票應比照棄毀官文書律杖一百

湖廣司 嘉慶二十四年

北撫咨府書李正選于縣詳到府時並不

將卷宗歸檔混行夾入已結卷內。迨奉行
催因檢查未獲。懼干究處。並不稟明。輒行
隱匿。雖未受賄規避。應比照棄毀官文書
律杖一百。該犯延擱不辦。應再加一等杖
六十。徒一年。

直隸司 嘉慶二十二年

本部咨戶部書吏韓懷書經手公文因值

役滿未卽辦理亦未囑令接手書吏趕辦以致日久漏未容覆卽與遺失無異韓懷書應比照遺失官文書律杖七十自行投首減一等杖六十

戶律戶役

人戶以籍爲定

江蘇司

嘉慶二十一年

蘇撫咨外結徒犯內俞金門誣告馬三連
係伊舊僕之孫將俞金門比照旗下奴僕
其本主因家奴之同族少有產業誣告投
充之子孫者照冒認良人爲奴僕律滿徒

浙江司

嘉慶二十三年

戶部咨陳溪因向伊主圖克唐阿索欠無
償。輒卽出言頂撞。已屬不合。迨被控到官。
諭知圖克唐阿現無伊等賣身契據。復敢
捏稱係朋成公莊頭飾詞狡展。實屬鑽營
欺壓。將陳溪比照八旗家奴有鑽營勢力。
欺壓孤幼。創發駐防給兵丁爲奴。

福建司

嘉慶二十年

提督咨李國泰係瑞齡家生奴僕。輒因瑞齡年幼庸懦。謀買產業。肆行頂撞。並將瑞齡揪拉上車。實屬欺壓。圖占產業。該犯並未開戶。應從重比。照八旗家奴鑽營勢力欺壓孤幼。贖身例發駐防爲奴。妻子仍交伊主管束。

收留迷失子女

雲南司 道光二年

中城移送方三。因汪徐氏黑夜找人。卽起
意收留。欲與伊子爲妻。實屬收留在逃子
女。惟尙未成婚。應酌量問擬。將方三。依收
留在逃子女爲妻妾子孫者。杖八十。徒二
年。律減一等。杖七十。徒一年半。汪徐氏應

于方三罪上減一等杖六十徒一年

陝西司 嘉慶十八年

提督咨送劉大收留迷失幼女雙姐欲行
嫁賣爲婢正欲尋媒嫁賣卽被拏獲與業
經賣出者有聞將劉大依收留良人迷失
子女不送官司而賣爲奴婢者滿徒律上
酌減一等徒二年半

江西司

嘉慶十九年

提督咨送王忠于使女玉鳳逃往伊家。憐其兩腿帶傷。收留轉聘。並非圖得財禮。第係在逃使女。輒行收留。依得在逃奴婢。而賣減良人。一等杖七十。徒一年半。律上量減一等。杖六十。徒一年。

陝西司

嘉慶二十三年

收留迷失子女

陝撫咨孔全因馬氏迷失路徑走至伊家
借宿該犯即將馬氏配與伊子爲妻將孔
全比照收留迷失子女爲妻妾律杖九十
徒二年半。

賦役不均

直隸司 嘉慶十九年

順尹谷牛良玉。因縣役余愷。于未經奉文
之先。預爲科派。包辦差徭。漁利該鄉保等。
慮及悞差。經該犯出而担保。訊無通同漁
利。該尹以余愷擅自科歛。入已。依棍徒計
贓。擬絞。牛良玉。依豪猾之徒。買囑書吏。承

攬害民例發附近充軍。部議牛良玉因與
余愷素好。欲作成包差漁利。卽屬爲從未
便一事。兩引改擬滿徒。

刑部比照加減成案卷三目錄

杭州許樾

同訂

安陸熊義

戶律田宅

盜賣田宅

戶律婚姻

典雇妻女

逐婿嫁女

居喪嫁娶

強占良家妻女

刑部比照加減成案卷三

戶律田宅

盜賣田宅

安徽司

嘉慶二十二年

順尹咨張泳存因開張煤窑之李陞素有
瘋病托伊經營煤窑該犯以在窑辦事並
無憑據詎令李陞立給送窑字據復私改

合同。誘令密夥張天錫等畫押以作霸審。
憑據殊屬刁詐。惟該犯經營煤審原係李
陞囑託。且李陞實有寫給送審字據。似與
倚恃勢力。憑空強占有間。張泳存應於強
占山場流罪上量減一等。滿徒。

安徽司 嘉慶二十二年

戶部咨周延福因貪王朝佐未經絕賣之

地膏腴卽仿照原典契另行謄寫添註無力回贖聽憑投稅字樣混行投稅希圖杜絕回贖卽與冒認田畝虛錢實契無異惟王朝佐之地實係伊家先行承典並非平空捏造全行目認周廷福應于冒認他人田宅虛寫錢數實立文契典賣一畝以下笞五十每五畝加一等罪止杖八十徒二

盜賣田宅
年罪上減一等杖七十徒一年半

江蘇司
嘉慶二十一年

江督咨卞儀暉將洲灘地畝得價盜賣復
撫拾妄控惟該縣一經示禁卽行中止不
敢復行占賣究與恃強久佔有間卞儀暉
應照強占官民山場蘆蕩杖流律上減徒
江蘇司
嘉慶二十三年

蘇撫咨徐寶舟等明知胡覺文盜賣祖遺
報明陞科洲地貪利故買雖盜賣田宅律
內並無買主知情作何治罪明文惟查重
復典賣田宅其典買之人知情與犯人同
罪則盜買亦應一體科斷按買地畝數目
照盜賣律科罪

奉天司

嘉慶二十四年

本部奏包衣高君錫本係富增額各房公用之人。因查地畝。明知五房富增額之庄頭。私行出典。該犯輒懲。慝七房奉國將軍明嵩。出名控追。卽與將他人田產。朦混投獻。勢要無異。惟究係伊家主祖業。較他人田產有間。將高君錫比照將他人田產。朦混投獻。官豪勢要。滿徒律上減一等杖九

十、徒、二、年、半、雖、年、逾、七、十、不、准、收、贖、

貴州司 道光二年

宗人府咨送屈進喜係宗室吉勒章阿看
墳家人輒敢將伊主墳旁祭田二十五畝
盜典得價惟律例內並無家人盜典主人
墳地治罪明文將屈進喜比照子孫盜典
祖遺祀產不及五十畝例杖六十徒一年

浙江司

道光二年

提督咨送翕臨係已革候補筆帖式該革員誣告汪本申占產喝毆復違例戴用五品頂帶按律罪止杖責惟該革員將伊父博興自置墳塋二頃十畝私自盜賣雖伊父尙未安葬與祖宗墳山有間而例內盜祀產五十畝卽與盜賣墳山一律擬軍則

翁臨盜賣伊父未葬之塋地。其情較重于
祀產。計數已在五十畝以上。應比依子孫
盜賣祖遺祀產至五十畝。照毀賣祖墳山
地例發邊遠充軍。該革員厯次滋事圖利
忘親情節較重。應請

旨發往烏魯木齊効力贖罪。

直隸司 嘉慶二十五年

直督谷安其所佃種公主府之地。係奉

旨賞給公主府爲業。卽屬官田。經沈守押

令退地交租。乃胆敢乘間脫逃。屢次抗傳

不到。數年以來。竟將地畝私霸爲己業。並

不交租。復阻止衆佃。不許交納。以致衆皆

觀望。計地九十九畝。應比照占種屯田五

十畝以上。不納子粒者。發近邊充軍。

江西司

嘉慶二十五年

江西撫咨胡學連、與劉多燧兩家祖墳俱葬在牛尾壩山。嗣因爭山訐訟，兩造所執係前明廢紙，例不爲憑。斷令不許添葬。迨後劉多燧將伊父劉初申屍棺安葬該山。胡學連等聞知，前往將棺木挖起，抬匿別處。胡學連合依發掘他人墳塚，見棺槨爲

首發近邊充軍劉多燧比照強占官民山
場滿流律上量減一等減徒。

福建司 嘉慶十八年

鑲黃滿咨送額駙家世襲佐領玉堂管理
公主墳塋事務將所收祭銀一千六百兩
私行侵用無存與子孫盜賣祖遺祀產無
異其侵用銀一千六百兩核計在五十畝

以上將王堂比照子孫盜賣祀產五十畝以上例發邊遠充軍折枷。

安徽司 嘉慶二十二年

順尹咨內務府漢軍佟五私賣投充入官地畝查佟五既已將地報充入檔卽同官產不准私相盜典乃佟五始而借給建房繼復捏稱民地價賣應比照盜賣他人田

一畝管五十律係官者加二等

戶律婚姻

典雇妻女

湖廣司 嘉慶十八年

北撫咨李懷志將妻范氏捏作其妹改嫁
廖志德爲媳。嗣廖志德因子身故。將媳改
嫁于陳錫德爲妻。李懷志捏稱被拐。向索
錢文。復起意糾衆搶回。希圖勒贖。例無治

罪明文。將李懷志比照將妻作姊妹嫁人聚衆行兇邀搶人財例發近邊充軍。

貴州司 嘉慶二十年

貴撫題蔡有新毆死吳文燦案內嚴氏被伊夫捏稱弟婦嫁賣應比照將妻妾作姊妹嫁人者妻妾杖八十例杖八十離異。

山東司

嘉慶二十年

東撫題朱馬誘拐朱得路之妾武氏爲妻。伊父朱子榮知情縱容。嗣朱得路糾人往搶。致朱馬之父被朱毛扎死。朱馬依子犯姦盜。致縱容之父被殺。擬絞監候。武年聽從誘拐。武氏係該犯之女。究與凡人不同。得受朱得路財禮。應比照將親女嫁賣與人騙財。後公然領去者。計贓准竊盜論。武

氏給米得路親屬領回。

逐婿嫁女

山東司 道光二年

東撫題趙諤子等共毆王四身死案內之
劉松因伊婿王振犯竊將女劉氏接回私
行主婚改嫁例內並無治罪明文將劉松
比照逐婿嫁女律杖一百。

湖廣司 嘉慶二十四年

南城移送張大因伊女張氏常褻其夫傅保打罵卽起意將張氏接回欲行改嫁尙未成婚將張大依逐婿嫁女杖一百未成婚減五等律笞五十。

居喪嫁娶

雲南司

嘉慶十八年

雲撫咨外結徒犯內李燦圖財逼嫁孀妹
李氏並串娶主謝穎糾搶未成將李燦依
尊屬圖財強賣卑幼係期功杖流未成婚
者減等滿徒例上量減一等杖九十徒二
年半。

湖廣司

嘉慶二十二年

北撫題老周黃氏聽從周垂照慫恿強嫁
孀婦小周黃氏致該氏不甘失節因而自
盡將老周黃氏照夫之父母應得滿徒罪
上酌減一等杖九十徒二年半

奉天司

道光二年

吉林咨劉文成聽從伊父劉安搶奪堂嫂

劉高氏賣與宗有才成婚得受身價實緣
伊父劉安因貧養贍所致並非專圖財禮
自應照強嫁例定擬惟核其情節亦有貪
圖財禮之意若僅擬以杖九十徒二年半
似覺情浮於法將劉文成依孀婦自願守
志夫家搶奪強嫁以致被污者大功卑幼
杖九十徒二年半罪上加一等滿徒李存

功、被劉安誘同入室。並未動手。因落後被
應捕人高成揪住襟袖。回頭咬傷高成左
手背。應加拒捕罪二等。例無被誘入室。並
未動手強搶。被獲拒捕治罪明文。將李存
功、比照搶奪良家妻女中途奪回爲從者
被誘幫同扛抬。照不應重律杖八十減一
等杖七十。仍加拒捕罪二等杖九十。

浙江司

嘉慶十八年

西城移送李氏係與色克當阿先姦後娶
又係居喪改嫁應照軍民相姦問擬而李
氏本應離異惟伊母家並前夫劉大家皆
無親屬且色克當阿成婚多年生子年尙
幼稊情殊可憫免其離異

強占良家妻女

安徽司

嘉慶二十二年

安撫題盧榮琪強嫁孀居弟婦余氏與林得榮爲妻。余氏不從。吵鬧被林得榮毆傷。後自縊身死。除盧榮琪依圖財強賣卑幼婦女不甘失節因而自盡例。期功尊長發近邊充軍。查林得榮臨時既知余氏不願。

仍買娶抬回。冀圖勸允。卽屬知情故娶。嗣因余氏不依。吵鬧。輒將余氏迭毆多傷。致令抱忿自盡。若僅照娶主知情問擬核與故娶而未毆傷者無所區別。應照娶主減正犯罪一等。滿徒上酌加一等杖一百。流二千里。

陝西司

道光二年

陝撫咨史益元與阮胡氏通姦因聞本夫
阮大欣將胡氏嫁賣與駱榮貴之弟駱長
貴爲妻駱榮貴雇驛送往與伊弟成親史
益元起意糾允同添發等趕至中途將胡
氏搶至家內姦宿致駱榮貴情急自盡例
無搶奪犯姦婦女致其親屬自盡治罪明
文將史益元照聚衆夥謀搶奪犯姦婦女

已成首犯發州瘴充軍例上加一等發新
疆爲奴同添發聽從幫搶應依例滿流

山東司

嘉慶二十三年

東撫咨闕文德始欲將官石氏拐賣繼因
該氏不從持刀嚇逼賣與王道卓爲妾迨
經該氏之姑找獲欲控卽行贖回查官石
氏賣與王道卓爲妾並未成親自應減等

問疑圖文德依強奪良人妻女賣與他人
爲妾擬絞監候照知人欲告而于財主處
首還減二等律于絞罪上減二等杖一百
徒三年

江蘇司

嘉慶二十三年

蘇撫題劉照吉與謝陳氏通姦欲將謝陳
氏帶逃謝陳氏不允劉照吉邀同亦與謝

強占良家妻女

陳氏姦好之張帶強搶拉走同夥僅止二人與聚眾夥謀搶奪犯姦婦女有間將劉照吉照強奪良家妻女姦占絞候律上量減一等滿流

江蘇司 嘉慶二十三年

蘇撫咨充貢場因李茂淋與犯姦之施氏成婚被保隣阻止該犯事不干已始則主

使李茂淋糾同搶回。繼復教唆施李氏捏
控保隣訛詐。以圖抵制。惟唆保隣串詐情
節較輕。其主使搶回之施氏。究由氏母施
李氏改許李茂淋爲妻。與平空強搶犯姦
婦女有間。差貢揚應于聚衆夥謀搶奪犯
姦婦女已成首犯。發回城爲奴例。止量減
一等滿徒。李茂淋初無搶奪施氏之意。乃

聽從差貢揚主使。應於差貢揚滿徒罪上減一等杖九十。徒二年半。

江蘇司 道光二年

蘇撫咨郭鏞與陳許氏通姦敗露。先經焦泰運等私和寢息。後郭鏞復與續舊。嗣因許氏夫祖陳銓聞知指控。輒敢令焦泰運將許氏送藏王卜五家一月之久。顯係有

意勸留。雖訊無恃勢強奪情事。其串囑藏匿情同姦。占應酌量問擬。將郭鏞于強奪良家妻女姦占爲妻妾絞候上。量減滿流。

福建司

嘉慶二十四年

福撫奏詹錦因詹葉兩姓械鬥有嫌。追見葉姓之葉陳氏等。在伊村經過。該犯等卽主令詹葉氏攔回家內。交與兇手致被姦。

污。本非該犯等意料所及。惟葉陳氏等均被污辱。究由該犯等主令攔留所致。將詹錦於搶奪婦女姦污律上量減一等。滿流。詹葉氏並無主使強姦情事。惟已聽從攔留。應於詹錦等所得流罪上再減一等。滿徒。

江蘇司

嘉慶二十四年

蘇撫咨朱順中強搶應娥尙未姦污查朱順中本與應娥之故父江湖湧親戚交好當時江湖湧口許朱順中爲婚親手書給庚帖卽屬父命似與僅止媒說未允因而強奪尙未姦污者有間第究未行聘亦與強娶已經聘定之妻不同將朱順中于素有瓜葛之家先經媒說未允因而強奪尙

未、姦、汚、例、上、量、減、一、等、滿、徒、應、娥、給、江、張、
氏、領、回、聽、其、擇、配、

安、徽、司、
嘉、慶、十、八、年、

安撫題秦廣欲娶王攬之妻姜氏爲妾邀
張狗等媒說不允起意強搶張狗等跑出
秦廣喝住不許走開秦廣將姜氏拉走嚇
逼張狗等架送回家將秦廣依先經媒說

未允。因而糾陷。仍按強奪良家妻女。占爲妻妾律擬絞監候。本部以姜氏本係有夫之婦。並非待聘之人。秦廣遠欲買娶爲妾。遣人說媒。核與以禮求婚者。迥不相同。駁令改擬。將秦廣改照聚衆。賂謀于素無瓜葛之家。入室搶奪婦女。已成爲首例。擬斬立決。張狗先代秦廣說。係因畏兇。不敢

推辭。及見秦廣欲行強搶。當卽跑走。被其喝住。追後。出同架送。亦因被秦廣嚇逼。允從。改照聚衆夥謀搶奪婦女。已成爲從絞。監候律。上量減一等。滿流。

安徽司 嘉慶十八年

江督奏周泳太。先與孫幬桂之妻傅氏通姦。係孫幬桂縱容。孫幬桂因其不能多給。

錢文屢次爭鬧。控縣傳訊。孫懶柱因係縱
姦。不敢到案。旋即外出。迨後回家。周泳太
與傅氏不肯留住。孫懶柱懷忿。捏以周泳
太習教謀逆。重情控告。訊明周泳太並無
入教等重情。惟孫懶柱誣累多人。係由周
泳太姦占其妻所致。將周泳太于強搶犯
姦婦女已成發遣爲奴罪上量減一等。滿

徒。

直隸司

嘉慶二十二年

直督岑桑洛卜與娼婦鄭氏通姦慮恐高
洛朋謀娶輒行搶娶爲妻惟尙無聚眾夥
搶白應酌量問擬桑洛卜應照聚眾夥謀
搶奪犯姦婦女已成造罪上量減一等滿
徒。

湖廣司 嘉慶二十二年

北撫咨萬明翠。因劉大昇行船遭風。喊令
救援。許給謝資。嗣劉大昇等給錢過少。該
犯索錢未遂。起意將婦女奪留。冀圖多增
錢文。該撫將該犯依行船遭風。乘時搶奪
財物律。定擬咨部。經本部以萬明翠奪留
婦女。冀圖多增謝資。並未搶奪財物。自應

照搶奪婦文本例核其情節輕重酌量定擬等因咨駁續據遵駁將萬明翠改照強奪良人妻女賣與他人爲妻妾絞候上量減一等滿流。

福建司

嘉慶二十二年

提督咨送屈大先與陳五之妻張氏通姦陳五利資縱容嗣屈大因姦情熱起意姦

占爲妻遂嚇逼陳五將張氏並子女送至伊家查屈大之姦占由於陳五之縱容核其情節究與強占良家婦女爲妻妾者有間應于強占良家妻女姦占爲妻妾上量減一等滿流張氏係陳五縱容與人通姦例應離異惟陳五縱妻犯姦係畏姦大強暴情固出于勉強並據陳五供稱如將子

女給伊領回伊係隻身窮苦不能撫養子
女幼小將來必至失所情亦可憫原情酌
斷應將張氏並子女仍給陳五領回完聚
河南司 嘉慶十八年

河撫咨外結徒犯內張桂糾搶邵氏希圖
勒贖尙未姦污聞控首還將張桂比照竊
盜知人欲告而于財主處首還減罪二等

律于強奪良家妻女尙未姦汚照已被姦
占律減一等擬流例上再減二等杖九十
徒二年半

雲南司

嘉慶二十一年

雲撫題李小羊強奪普耿氏成婚查普耿
氏欲行改嫁夫族無人應歸母家主婚普
蒲氏係普耿氏夫家踈遠親屬非例應主

婚之人雖曾接受李小羊聘禮不得卽爲
李小羊聘定未婚之妻惟普蒲氏曾經受
聘李小羊強奪成親事倘有因核與平空
強奪姦占者不同將李小羊照強奪良家
妻女姦占爲妻妾絞監候律上量減滿流

山東司 嘉慶十八年

東撫谷外結徒犯內李梓圖娶孀婦張李

氏先向氏父李永祥說允收受財禮。因長子李仁勸止。李永祥令次子李三送還。李三仍私自收回。李梓因聞李永祥欲將張李氏送往找工。心疑另嫁。前往截搶。尙未成婚例內並無未收婚柬。僅接禮物糾搶婦女。尙未成婚。作何治罪。明文將李梓比照先經媒說未允。因而糾搶未成。照強奪

良家妻女。尙未姦污。爲首流罪。上量減一
等。滿徒。

山西司

嘉慶十九年

晉撫題郭世邦。圖謀遺產。逼勒孀居之大
功弟妻傅氏改嫁。致氏不甘失節。自盡。該
犯僅止空言嚇逼。與用強搶賣。逞兇斃命
者有間。依總麻尊長用強搶賣卑幼之婦。

因而自盡絞候例上量減一等滿流。

山東司 嘉慶二十三年

東撫咨趙二先與王小雞姦嗣王小逃依
王立業爲義子趙二糾衆闖入王立業屋
內將王小搶去趙二應依夥衆搶奪犯姦
婦女已成例改發烟瘴充軍。

安徽司 嘉慶二十三年

安撫題李照，因詹起山之女青姐未嫁，媒說不允，糾衆往搶。詹起山畏其兇惡，閉門不理。該犯在外聲言踢門強搶。青姐慮恐被搶污辱，投繯殞命。應比照強奪良家妻女，未被姦污而自盡例擬絞監候。

安徽司 嘉慶二十三年

安撫題潘發，因潘世珍有婢女春梅欲行

配人該犯圖娶媒說未允隨糾梁貴等強搶春梅至家尙未姦污查潘發係潘世珍無服族侄孫誼屬同宗卽與素有瓜葛無異春梅係潘世珍婢女雖與良家妻女有間惟例內誘拐子女不分良人奴婢搶奪重刑因誘應將潘發照素有瓜葛之家先經媒說未允因面糾衆強搶例擬絞監候

江蘇司

嘉慶二十三年

蘇撫題孟衍書糾衆搶奪路氏已成拒傷
木夫韓貴復因路氏乘間逃跑攔住毆打
致路氏被毆情急自盡將孟衍書比照夥
衆搶奪婦女拒捕殺人者下手殺人之犯
擬斬決梟示

山東司

道光二年

東撫咨張雪起意糾同楊淑孟等搶奪無服族叔祖之妾圖賣尙未嫁賣亦無姦汚情事將張雪依疎遠無服親族搶賣尊長卑幼絞監候未成婚減一等滿流楊淑孟聽從同搶例無疎遠親屬搶賣尊長爲從係凡人治罪明文惟搶奪親屬條內娶主知情同搶得減正犯罪一等應比照問擬

楊淑孟應于張雪流罪上減一等滿徒

江蘇司

道光二年

江督奏王忠貴因在家演戲將戲曰蘇翠林雞姦復率衆在途將蘇翠林搶奪蘇翠林年止十二惟係優伶下賤且被人姦宿在先于和姦幼童絞罪上減一等罪止擬流應從重將王忠貴比照強搶犯姦婦女

已成首犯發烟燴充軍。

江蘇司 道光二年

蘇撫咨嚴嗣喜與犯姦婦女朱胡氏通姦。逼脅至伊家內強占爲妻。迨本夫朱二乘伊外出將氏帶走。該犯復敢持刀追回。將嚴嗣喜比照搶奪犯姦婦女已成例發烟燴充軍。

直隸司

嘉慶二十三年

直督咨董二小強奪娼婦張李氏爲妻僅
止一人獨搶此照聚衆夥謀搶奪犯姦婦
女已成者首犯改發烟瘴充軍

江蘇司

嘉慶二十四年

蘇撫咨宋良田與李張氏通姦情密糾同
伊弟將李張氏搶回姦宿查宋良田旣未

聚衆夥謀。又與強奪良家妻女姦占者。不同。應將米良田。比照強奪良家妻女姦占。爲妻者。絞監候。律上量減一等。滿流。

直隸司

嘉慶二十四年

本部咨善慶。因覬覦故兄緣慶財產。乘伊孀嫂邊氏。與人有姦。卽藉捉姦爲名。將邊氏捉獲。鎖禁呈送。查該犯係藉姦圖產。並

非激於義。愈將善慶。比照謀占資財搶賣。
兄妻擬絞例。上量減一等。滿流。

湖廣司 道光元年

北撫咨肅貴。糾夥搶奪彭世芝誘拐幼女。
張二女。賣爲奴婢。與在長家搶奪不同。比
照搶奪犯姦婦女例。發烟瘴充軍。

河南司 道光元年

河撫咨王俊圖娶素有瓜葛之喻梅氏先經媒說未允聽從氏族叔喻萬倉糾衆在途截搶未經搶獲經喻梅氏之母聞知情由赴汛稟報該汛弁當飭營兵劉俊將王俊喻萬倉查傳喻萬倉不服傳訊與營兵掙扎致擦傷喻萬倉髮際嗣傷已結痂因傷處發癢喻萬倉自將傷痂抓落以致傷

口進風潰爛身死王俊聽從糾衆強搶未經搶獲較之業已強搶中途奪回者爲輕依強奪良家妻女中途奪回爲從滿徒上量減一等杖九十徒二年半劉俊奉差傳喚用鉄鍊將喻萬倉擦傷在正餘限外因風身死例無兵丁拘喚罪人致傷限外身死治罪明文第營兵與番役無異私用鉄

鍊鎖拏。卽與私拷相同比。依番役將死罪人犯私拷者。枷號一個月。杖一百。杖罪遞加三等。于應枷號一個月。杖一百。上加三等。枷號四十五日。杖八十。徒二年。

直隸司 道光元年

順尹咨張三。憑媒聘定周玉庭之女喜姐。爲媳。嗣周玉庭悔盟。另嫁張三。將喜姐搶

同尙未成婚。例無先經聘定。因女家悔婚。允退。復行強搶。治罪明文。比照搶奪良家妻女。尙未姦污。減等擬流。再減一等。滿徒。江蘇司 道光元年

蘇撫題邵有朋圖娶孀婦王西氏爲妻。因財禮無措。起意糾同李炳等。乘夜強搶。經西氏夫兄知覺。準備未被搶獲。王西氏羞

忿自盡。比照強搶良家婦女。未被姦污。因而自盡。例絞候。

江蘇司

嘉慶二十年

蘇撫題劉三聽從迎犯趙泳真搶奪史凌漢之妾陳氏。查陳氏欲回母家。看視伊母。經史凌漢以如欲回去。不必再來。被工人金二麻誤聽。史凌漢不欲陳氏作妾。遇見

趙泳真等。告以前情。趙泳真因無妻室。邀允金二麻劉三等。中途搶奪。史淩漢報縣差緝。金二麻聞知。告知各犯。以史淩漢未將陳氏休退。各犯畏懼。將陳氏送回。並未姦污。金二麻係事主雇工。聽從糾搶。家長之妾。僅照爲從。擬流。殊無區別。應加枷號三個月。仍監候待質。嗣經續獲從犯劉三。

到案劉三。比照聞拏投首于爲從絞候上。
減一等滿流。金二麻。毋庸再行監候待質。
江蘇司 嘉慶二十二年

蘇撫咨殷如林。因總麻服孀殷冀氏。向其
訴苦。輒疑欲嫁。卽爲主婚改嫁。尙未成婚。
並因氏子外出。擅自收受財禮。惟該犯嫁
賣服孀。究因該氏先向訴苦誤會所致。財

禮雖收。一經氏子回歸。卽行送回。與圖財搶賣不同。股如林應比。照貪圖聘禮。總麻卑幼搶賣尊屬未成婚例。流罪上減一等。滿徒。

河南司

嘉慶二十一年

河撫題康金科因見孔照明同妻丁氏行走。問知覓主改嫁情由。該犯起意邀同馮

良貴將丁氏搶賣。惟丁氏先經本夫賣休。後復圖改嫁。並非良婦。該犯糾夥二人同搶。未便依搶奪良家婦女科罪。將康金科比照搶奪路行婦女。並非夥衆。但賣與人爲妻者。絞監候。例上量減一等。滿流。

山東司

嘉慶二十五年

東撫咨外結徒犯內張氏。因伊夫張兆林

外出起意改嫁以致被姑老張氏賣與張殿爲妾。經張兆林告官斷回。旣蒙其節復失其身。實與犯姦之婦無別。魏山賈榮將其搶賣。僅止二人。並非夥衆。應比照減等問擬。係在逃之賈榮爲首。獲日應比照搶奪犯姦婦女問擬。滿徒。魏山係爲從。減一等杖九十。徒二年半。

山東司

嘉慶二十二年

東撫咨石小嘴等聽從夥謀搶奪曾經犯
姦之王祝氏賣與沙棕幅爲妾沙棕幅知
情故買除石小嘴依例擬流外查搶奪曾
經犯姦婦女知情買娶者例無明文將沙
棕幅比照夥衆搶奪路行婦女知情故買
者減正犯罪一等例滿徒。

湖廣司

嘉慶二十二年

北撫題朱一栢等聽從行劫。僅止扳住客船。復聽從夥搶婦女已成。該撫將該犯等依強盜律斬決。聲明法所難宥等因具題。經本部以朱一栢聽從行劫一次之外。仍有盜劫別案。則當專計行劫次數。按律擬罪。如僅止行劫一次。聽從搶奪一次。自未

便將搶奪之案與盜劫之案合併計筭等因題駁去後續據遵駁更正將朱一栢等改依二罪俱發以重論均依聚衆夥謀搶奪路行婦女已成例爲從絞監候

貴州司

嘉慶二十一年

貴撫咨周應珮因向袁吳氏聘定其女袁二妹與伊子爲婚吳氏之夫袁宗名在外

生理早已將女許給楊姓。控官斷明。應從先許之家。令周應玘退婚。周應玘起意強搶。糾人至袁宗名門首。嚷稱欲搶袁二妹與伊子爲婚。詎袁二妹在內聽聞。情急投繯。殞命。惟周應玘僅止在外聲喊。並未入室搶獲。應將周應玘比照搶奪良家妻女中途奪回。未被姦污。因而自盡者。絞候例。

上量減滿流。

山西司 嘉慶二十年

晉撫咨閻恭將妻閻氏休回母家得受妻
母閻楊氏銀兩寫立休書知閻氏改嫁與
王貴連爲妻輒因往找財禮不給糾邀高
貴富等將閻氏強搶並拒捕毆傷王貴連
惟王貴連雖將財禮如數付給而閻恭究

因誤信閻楊氏捏稱王貴連財禮未經給足所致。且搶回之後並未與閻氏姦宿。惟既經休回先得銀兩。閻氏卽不得爲該犯之妻。應照強奪良家妻女尙未姦污。照已被姦占律減等滿流例上量減一等滿徒加拒捕罪二等杖一百流二千五百里。高貴富被脅聽從幫搶。應照搶奪婦女爲從。

者如被逼迫、誘隨、行止于帮同扛抬、照不應、
重律杖八十、上量減一等杖七十。

貴州司 嘉慶十九年

貴撫題韋世榮圖得身價、將非契買投身
爲奴之韋阿元孀居兒媳韋氏奪回嫁賣、
比照期功尊屬圖財強賣卑幼例滿流。

福建司 嘉慶十九年

南城移送李二因與張邢氏故夫張幅素
好。張幅臨死時。囑其照應家務。該犯隨與
其妻邢氏通姦。復捏邢氏坐產招夫。與邢
氏儼成夫婦。比照強奪良家妻女姦占爲
從律滿流。

廣西司 道光元年

廣西撫題龍學檉聽糾強搶婦女至期該

犯因病未往。經首犯夥衆搶獲婦女。尙未
嫁賣。卽被拏獲。龍學裡比照共謀爲盜。因
病不行事。後分贓例杖一百。徒三年。

四川司 嘉慶二十年

川督題向世寬毆傷姜有萬身死。查姜有
萬欲娶向世寬之姪女甲寅爲妻。先經媒
說未允。旋往強搶。被向世寬戳傷左腿。姜

有萬轉身跑走撲跌下坡。磕傷頂心。向世寬將甲寅奪回。姜有萬越二十八日身死。姜有萬頂心被磕。係致命之處。其爲死于跌傷無疑。若死由被戳奔走。並未逾時。似不得謂死係向世寬追毆所致。查被毆賊犯致死。例止杖徒。姜有萬搶人處女。較黑夜行竊尤重。死在餘限之內。在凡闔應擬。

死罪。奏請減流。況係罪人。亦當示以區別。
該督將向世寬。依擅殺擬絞。本部駁經改
擬比。照事主。因賊犯。黑夜偷竊。追捕毆打。
致死。滿徒例。上量減一等。杖九十。徒二年。
半。